

興仁縣補志卷三

大事志 年紀三 自宋迄元

宋

太祖乾德五年知西南蕃南寧州蕃落使龍亮瑄亮宋史亮

熙通志等來貢詔授以官通考宋史本紀云六月

獻方物九月甲午西南蕃順化王子部

西南諸夷漢牂牁郡地隋大業末首領謝龍羽據其

地勝兵數萬人唐末王建據西川由是不通中國後

唐天成二年牂牁清州刺史宋朝化等一百五十人

來朝其後孟知祥據西川復不通朝貢乾德三年平

興仁縣補志 卷三

孟昶五年知西南夷南寧州蕃落使龍彦瑄等遂來

貢詔授彦瑄歸德將軍南寧州刺史蕃落使又以順

化王武才為懷化將軍武才弟若啟為歸德司階武

龍州部落興義府志謂地在清興義府志王子若溢

東山部落地在清興王子若差羅波源部落地在清

羅王子若臺訓州部落未詳案興義府志於開寶

刺史上狀事謂即本條所錄八部各皆注以在今某

其意是謂訓王子若從雞平部落地即清安南東

坪王子若冷戰洞部落地在清黔王子若磨羅母殊

部落地在清羅王子若母石人部落地在清貴陽

王子若藏並為歸德司戈

宋史溪峒傳 貴州志等疑

史紀六九兩月為二事實則非也蓋溪峒傳文上云西南諸夷牂牁郡下云西南夷南寧州其意故以為南寧州可稱牂牁亦可稱西南夷也夷即蕃故通考職方典皆止以彥瑫一人領書之紀之六九兩月迭見者或六月諸夷身受朝官九月朝後使人復貢也順化王子據傳實止武才一人又興義府志所註各部未便足據錄之姑備一說

案南寧蕃落應仍即唐季以來之羅殿王觀所稱

王子某某與唐之鬼主阿珮等多已相合惟龍彥

瑫有姓豈此時已漸華風不復如前之簡陋邪抑

龍固所謂三蜀大姓自漢著稱牂牁迄唐而益盛

耶蓋不當臆為之說矣依興義府志則興仁此時

興仁縣補志

卷三

二

應為龍州東山羅波源訓州四部落間地惟別無

確證亦備考而已

開寶二年秋七月戊辰西南夷順化王子武才等來獻

方物

宋史二年武才等一百四十人又來貢以武才為歸德將

軍來人乞賜武才鈿函手詔以舊制所無不許

四年南寧州刺史蕃落使龍彥瑫卒

康熙貴州通志

四年其國人詣涪州言南寧州蕃落使龍彥瑫卒歸

德將軍武才及八刺史狀請以彥瑫子漢塘為嗣詔

授漢塘南寧州刺史兼蕃落使

宋史 貴陽府志云是時諸蕃以龍氏為

宗稱西
南蕃主

七年康熙通志貴陽府志並普貴原作宋晉貴誤據

土賜爵為王康熙貴州通志

羅甸王主色東出掠地居於矩州之石人山謂之石人部落西南人謂王為王子諸羅自五季時又各自王其子弟亦號王子但不得單稱王於是王子遂為夷人官號七品之一主色既得矩州遂為石人部落王子唐明宗天成二年昆明大鬼主羅殿王及普露靜王九部各遣使附牂牁以來普露靜實普寧之演轉也石人部落即在九部之中主色卒別子仍居石

興仁縣補志

卷三

三

人山而長子阿更襲位反居濛阿宋乾德五年矩州石人部落王子若藏入獻方物命為歸德司戈尋又使其子普貴納土太祖嘉之封以王爵命為矩州刺史矩州語譌為貴州太祖因其俗授之勅書大定勅府志曰予以義正邦華夏蠻貊罔不率服惟爾貴州遠在要荒先王之制要服者來貢荒服者來享不貢有征伐之兵攻討之典予往歲為扶播州楊氏之弱勞我王師罪人斯得想亦聞之有司因請進兵爾土懲問不貢予則曰遠人不服則修文德以來之窮兵黷武予所不忍尋乃班師近得爾父子狀知欲向化乃布

茲文告之爾若挈土來庭爵土人民世守如舊故茲制旨想宜知悉職方典於是始有貴州之名開寶中石

人部為宋氏所逐仍退居延江之南夾水之地大定府志

八年八月西南蕃順化王子若廢宋史溪峒傳及康熙乾隆二志作發等

來獻名馬宋史本紀

八年三十貴陽府志沿革疑十為州之誤九部順化

王子若發等三百七十七人來貢馬百六十四匹丹砂

千兩宋史溪峒傳

太宗太平興國五年八月甲申南寧州遣使入貢貴陽府志

五年夷王本紀作西南蕃主康熙通志作南寧州蠻長龍漢琚遣其子羅

興仁縣補志 卷三

若從并諸州蠻七百四十七人以方物名馬來貢宋史及通考

案龍漢琚其子羅姓足徵其世系非若謝趙之可

考而稱為蠻氏裔者亦非蓋蠻氏子孫自漢晉相

沿其姓固與謝趙等不應至唐而棄也惟盧鹿部

族之說為似

雍熙元年黔南言溪峒夷獠疾病擊銅鼓沙鑼以祀鬼

詔釋其銅禁宋史

案黔南溪峒應在今惠水長順間似於興仁無關惟銅鼓祀鬼及多鑄銅鼓之俗黔省各縣多同附

錄備考

二年八月癸巳西南王子以慈來貢九月己未西南蕃

主遣使來貢宋史本紀

二年八月奉化王子以慈等三百五十人以方物來

貢夷王龍漢璿自稱權南寧州事兼蕃落使遣牂牁

諸州酋長趙文橋率種族百餘人來獻方物名馬並

上蜀孟氏所給符印授漢璿歸德將軍南寧州刺史

以文橋等並為懷化司戈宋史本傳

端拱元年三月龍漢璿請開道效貢許之玉海

明年漢璿又貽書五溪都統向通漢約以入貢又明

興仁縣補志

卷三

年八月庚午使其弟漢興入貢並據宋史

淳化三年冬十月戊子西南蕃遣使入貢宋史本紀

三年夷王貴陽府志作西南蕃主龍漢興及都統龍漢璿刺史

龍光顯龍光盈及順化王雨滯貴陽府志云即以植等各貢

馬朱砂宋史本傳

至道元年九月龍漢璿遣其使龍光進率西南蕃牂牁

諸蠻來貢方物詔授漢璿寧遠大將軍封歸化王宋史

黔州涪州徼外其西南夷部漢牂牁郡唐南寧州牂

牁昆明東謝南謝西趙兗州諸蠻也其地東北直黔

涪西北接嘉叙東連荆楚南出宜桂俗椎髻左衽或

編髮隨畜牧遷徙亡常喜險阻善戰鬥部族共一姓
雖各有君長而風俗畧同宋初以來有龍蕃方蕃張
蕃石蕃羅蕃者號五姓蕃皆常奉職貢受爵命至道
元年牂牁王龍漢瓊遣其使龍光進率西南牂牁諸
蠻來貢方物太宗召見詢以地理風俗譯對曰地去
宜州陸行四十五日土宜五穀秧稻以木弩射麋鹿
充食每二三百戶為一州州有長殺人者不償死出
家財以贖國王居有城郭無壁壘官府惟短垣上因
令作本國歌舞一人吹瓢笙如蚊蚋聲良久數十輩
連袂宛轉而舞以足頓地為節詢其曲則名曰水曲

興仁縣補志

卷三

六

清波雜志作上大
笑令罷無此句

其使十數輩從者千餘人皆蓬髮

面目黧黑狀如猿猴使者衣虎皮氈裘以虎尾插首

為飾以上清波雜志通考均同詔授漢瓊寧遠大將軍封歸化王

又以歸德將軍羅以植為安遠大將軍保順將軍龍

光盈龍光顯並為安化大將軍光進等二十四人並

授將軍郎將司階司戈其本國使從者有甲頭王子

刺史判官長史司馬長行僚人七等之名宋史至道

元年十月二十八日龍漢瓊遣使率西南牂牁諸蠻

貢方物一牂牁諸蠻在宜州之西累世不通至道元

年九月丙午始貢方物一召見詢地理風俗令作
本國歌舞一人吹瓢笙名曰水曲其使衣虎皮氈裘
賜冠帶銀帛俾與
崇德殿上壽宴

三年以牂牁思夷等州分隸荆湖與劍南之東西三路

職方典 民國貴州通志云案通鑑書是年始分天下為十五路曰荆湖南路荆湖北路曰劍南東路曰天劍南西路是時思夷等州誰屬宋史地理志及其他地理志均未詳姑存俟考

真宗咸平元年西南蕃來貢

咸平元年其王龍漢璣遣使龍光腴康熙通志作璵又率牂

牁諸蠻千餘人來貢詔授光腴等百三十人官宋史九

月牂牁謝再殊等來貢賜卮酒勞之玉海案明年有張文黥等貢

馬見玉海及史傳而本紀亦作西南蕃來貢張著已遠於今之興仁茲不復錄

五年南寧州遣使入貢貴陽府志

五年龍漢璣又遣牙校率蠻部千六百人馬四百六

興仁縣補志

卷三

十匹并藥物布帛等來貢賜冠帶於崇德殿厚賚遣

還宋史

景德元年詔牂牁諸國進奉使令廣南西路發兵援之

康熙貴州通志

景德元年詔西南牂牁諸國進奉使親至朝廷者令

廣南西路發兵援之勿抑其意先是龍光進等來朝

上矜其道遠人馬多斃因詔宜州自今可就賜恩物

至是懇請詣闕者從之宋史

大中祥符二年八月龍漢璣遣使奉貢賀東封賜錦袍

銀帶玉海

元年十二月壬子西南蕃等入賀封禪二年八月甲辰西南蕃龍漢瑋等來貢賀東封加漢瑋寧德大將

軍宋史本紀

八年降敕書安撫南寧州夷族張聲進貴陽府志

八年夔州路上言南寧州夷族張聲進遣使進奉為

蕃落使龍漢瑋邀奪讐刳不已乞降敕書安撫宋史

案前此二年漢瑋貢方物名馬見玉海後仁宗天

聖四年景祐三年康定元年復有龍光凝光辨光

琇等入貢茲皆不書非以其邀奪讐刳之也夷

族連年朝貢自難分述且所謂入貢類皆利朝廷

興仁縣補志

卷三

之賜予又藉以營商業沿途騷擾其動機甚非純潔觀唐代以來屢不許入貢之請及南寧屢次貢馬均人多於馬其情可知前後仍有著錄畧以見此方羈縻之大要而已又後此慶曆元年史有鑄賜烏蠻王子得蓋姚州印一事後為羅氏鬼國亦稱羅甸於南寧龍氏族類甚同惟別有建置在今大定平遠間不應更錄

仁宗慶曆五年西南夷龍以特來貢宋史本紀

慶曆五年光辨與龍以特俱至者七百十九人詔以

安遠將軍知蕃落使龍光辨為寧遠大將軍寧遠將

軍知靜蠻軍

宋史溪峒傳下龍光凝承宣武寧大將

軍龍異豈並為安遠大將軍承宣奉化大將軍龍異

魯為武寧大將軍

貴陽府志後皇祐二年龍光滯峒宋史溪

澈又來貢

據史紀

至和二年南寧州及諸蕃酋並入貢

貴陽府志

至和中龍以烈龍異靜首領張漢陞王子羅以崇等

皆入貢命其首領而下九十三人為大將軍至郎將

宋錫龍以烈等三十一人推恩制曰汝等獻琛奉贄

絕不測之險頻首交臂并見于天子庭下其誠心蓋

有足嘉者夫賞簞金而賜龜綬古之制也宜加寵命

興仁縣補志

卷三

以慰其來享之勤

鄭鄴鄭溪集

案鄴集又有龍以

以誇榮於殊俗

茲不具錄又史傳稱嘉祐八年張

田知桂州異時蠻使朝貢假道與方伯抗禮田獨坐

堂上使西南龍蕃

從其使入貢凡十反至是龍以烈來

亡命之田因罪入謁詰責之欲并斬以烈叩頭流血

復從之田曰汝罪

當死然事幸在新天子即位赦前汝

請命田曰汝罪當死然事幸在新天子即位赦前汝

自從朝廷乞恩乃

密請貸其死貴陽府志又云大率

龍氏諸部族地遠且貧熙寧中來見賜以袍帶等物

刺其數於背是後

南寧州龍氏漸衰不能統一諸

蕃龍氏亦分而為三而南寧州但稱卧龍蕃矣

英宗治平四年十二月靜蠻軍蕃落使龍異閣來朝

治平四年十二月知靜蠻軍蕃落使

上慶曆五年龍

蠻節

守聖天王龍異閣等入見詔以異閣為武寧將

軍其屬二百四十一人各授將軍及郎將傳敕曰省

所附進馬一匹朱砂八兩事具悉汝奠居絕徼久服外藩瞻北闕以馳風旅大庭而來享載嘉勤蓋宜有賚頒今回賜汝江中錦旋襪衫一領八兩渾鍍銀腰帶一條衣著二十疋至可領也故茲示諭想宜知悉

鄭獬鄭溪集

神宗熙寧六年夏四月西南龍蕃諸夷來貢

宋史本紀

六年龍蕃羅蕃方蕃石蕃八百九十人入覲貢丹砂

氈馬賜袍帶錢帛有差

宋史溪峒傳

案興義府志稱羅國此時遷於今之羅番甲今人訛為羅煩甲附識備考

興仁縣補志

卷三

十

八年夏四月乙卯詔西南蕃五姓蠻五歲一入貢

通鑑

自六年後諸蕃比歲繼來龍蕃衆至四百人往返萬里神宗憫其勞詔五姓蕃五歲聽一貢人有定數無輒增加及別立首領以息公私之擾命宋敏求編次諸國貢奉客省四方館撰儀皆著為式

宋史

哲宗紹聖四年西南蕃羅氏入貢

宋史本紀

元祐五年八年紹聖四年龍蕃皆貢方物龍氏於諸姓為最大其貢奉尤頻數使者但衣布袍及假伶人之衣入見蓋實貧窶所冀者恩賞而已故事蠻夷入貢雖交趾于闐之屬皆御前殿見之獨此諸蕃見於

後殿蓋卑之也

宋史溪峒傳下

案自熙寧八年詔定五姓蕃五歲聽一貢後不特

例貢未絕元祐二年尚有石蕃以定不及限而齎

表特貢之事

康熙通志又有元豐元年張蕃同添貢奉人至三百詔故事以七十人為

額不許一條不見於正史

但皆畧而不書茲條於龍氏當日情

狀可畧考故仍錄焉

高宗紹興三年即廣西邕州置司提舉市馬於羅殿靖

貴州通志

廣馬者建炎末廣西提舉峒丁李棫始請市戰馬赴

行在紹興初隸經畧司三年春即邕州置司提舉市

興仁縣補志

卷三

於羅殿自杞大理諸蠻未幾廢買馬司帥臣領之

兵七年胡待制舜陟為帥歲中市馬二千四百匹詔

賞之其後馬益精土人云其尤駟駿者在其出處或

博黃金二十兩日行四百里但官價有定數不能致

此耳然自杞諸蕃本自無馬蓋又市之南詔南詔者

大理國也去自杞國可二十程而自杞至邕州橫山

砦二十二程橫山砦至靜江府又二十餘程羅殿國

又遠於自杞十程

建炎以來朝野雜記王象之輿地紀勝引中興小曆又云紹興二

年初五路既陷馬極難得韓侂胄建議宜即邕州置

市馬蓋始於唐不遇唐時羅向自至橫山此則直置

據桂海虞衡志羅殿王歲以馬至橫山五市是羅向

司於其
國耳

七年市馬於羅殿

是年命邕帥胡舜陟市馬於羅殿歲得二千四百詔

書褒之其後馬益精歲費黃金五鎰白金兵志原二

百五十鎰錦四百端綺四千匹廉州鹽二百萬斤得

馬千五百匹馬必四尺二寸乃市之其直為銀四十

兩每高一寸增銀十兩有至六七十兩者土人云尤

駟駿者在其出處或博黃金廿兩日行四百里宋史

二十四年夏四月辛丑西南小張蕃貢方物己酉羅甸

國貢名馬宋史本紀是時羅蕃復稱羅殿南渡之後

興仁縣補志

卷三

其國寢微尋宋將王氏黃氏據有其地羅蕃乃東徙

于今貞豐東之定番羅斛微有今貞豐東地自後

羅蕃羅元非今貞豐全境地矣註見宋史云云查王

黃二氏據羅甸事史未載興義府志所見不知何指

一查上錄附建炎四年之貴陽府志其土司名黃准

王盛此疑與為一然彼稱二人為羅斛昂亭土千總

此云黃王逐羅甸於定番羅斛事又各異檢溪峒各

傳及宋史均不見興義府志好以其所旁採成推斷

之詞雜史一二節以著見而註云見史以徵實及證

諸史則皆虛如彼所云羅番稱羅甸羅甸稱羅番羅

甸東徙西徙等不知何得而皆云出史大足誤後人

附正如此一又小張蕃貴陽府志土司只作張蕃並

絕不自後張蕃傳

孝宗淳熙二年知靜江府張栻奏上籌備牂牁羅甸各

邊策

張栻孝宗時知靜江府經畧安撫廣南西路所部荒

殘多盜棊至簡州兵汰冗補闕籍諸州黥卒伉健者為
效用日習月按申嚴保伍法諭溪峒酋豪弭怨睦鄰毋
相殺掠於是羣蠻帖服朝廷買馬橫山歲久弊滋邊氓
告病而馬不時至棊究其利病六十餘條奏革之諸蠻
感悅爭以善馬至宋史本傳棊奏本路備邊之郡九而邕管
為最重邕之所管幅員數千里而左右兩江為重自邕
之西北有牂牁大理羅甸西南有白衣九道安南諸國
皆其所當備者然邕之戍兵不滿千人所恃以為籬落
者惟左右兩江谿峒共八十餘處民兵不下十萬首領
世襲人自為戰如古諸侯民兵之制則去邕管近者餘

興仁縣補志

卷三

三百里遠者近千里所恃以維持撫馭之者惟提舉
盜賊都巡檢使四人各以戍兵百餘為谿峒綱領其
職任可謂不輕矣可不遴選其人謹護其土以為南
方久遠之蔽乞依大觀指揮許本司奏辟從之續通鑑
理宗紹定元年升武泰軍節度為紹慶府領羈縻州五
十六

紹慶府本黔州黔中郡軍事武泰節度紹定元年升
府羈縻州四十九南渡後羈縻州五十六宋史地理

貴州通志云案宋史地理志所謂南渡後之五十六州
不載其名只四十九州註南寧遠捷清蔣知蠻襲峨
邛鶴勞義福儒令郝善寧緣那鸞絲邛敷晃侯焚添
瑶雙城訓鄉缺茂龍整樂善撫水思元逸思南平勳

姜稜鴻和武暉毫鼓懸與唐新舊地志及寰宇記所載數既不合名亦多異姑照錄存

寶祐五年于矢一作市普里等部附於元元始置于矢普定二萬戶府尋改于矢為普山府

先是蒙古兵出靈關羅鬼國即遣使報思播言蒙古有事大理實欲取道西南大入中國當預為之備思播守者聞諸朝宋廷臣皆言蒙古主生長朔方恃馬騎為用隆冬草枯盛夏虻出使當返北若踰番詔必須多歷時月滇黔之間固嶺欹折策馬奔馳料不得遲縱使安據南詔方行東向須得交廣以攻吳楚是謂仰攻地利不便為此慮者非迂即誣及大理已入

興仁縣補志

卷三

蒙古假道幹腹遂其始謀乃出烏蒙趨瀘江過馬湖通道嘉定重慶直抵合州濟蜀江然後順流東下一軍歷邕桂至潭州一軍由廣南至衡州太弟忽必烈自北發師由汝南入大勝關渡江圍鄂州與羅鬼先見之言符合而宋室遂不可支馴至滅亡

宏簡錄續通鑑云

寶祐四年五月帝諭輔臣曰秋防不遠宜事事為之備董槐曰羅鬼國報思播州謂北兵留大理招養蠻人為嚮導此甚可憂帝曰彼不能支駁駁及我矣乙巳董槐言瀘叙之上鹽井設險以待敵兵此事不可吝費程元鳳曰宜令播州以兵助羅鬼制司以兵助播州詔以銀萬兩使思播約羅鬼為援

元普安路南詔東邊東爨烏蠻七部落居之其後爨酋阿宋據其地世為酋長憲宗七年内附命為于矢萬戶

元史地理志尋改普山府嘉靖貴州通志羅甸普里普東二部內

附詔以其地為普定府安順府志民國貴州通志云普定衛唐為

羅甸國地乃羅鬼狍獠可劉苗民所居號普里部宋

因之元初內附置普定縣隸普安路尋改普定府隸

雲南行省領安順永寧鎮寧四州永寧州宋為普東部

達安州夷名打罕尋改永寧州鎮寧州宋為普東部

元於羅黎寨置和弘州尋改鎮寧州安順州宋為普

里部元置習安州屬普定府洪武十六年改安順州

據此則習安改安順在後普定府領安順四州殊誤

元史地理志普里部蠻元初內附置普定府大德七

年改為路領州三永寧鎮寧習安不言安順則安順

由習安改在洪武時其說至碣紀要及安順府志並

沿通志之誤又考王圻續通考及明一統志皆云永

寧鎮寧二州古荒服地元始置州隸普定路由上諸

說觀之則永寧鎮寧皆置路後更名

習安亦後置初置州止和弘達安也

案興仁此時入於元為普山普定二府間之地至

遣報於思播二州之羅甸國宋史作羅氏鬼國附

案已見大中祥符八年安撫張聲進條

端宗景炎元年元命愛魯開烏蒙道

愛魯昔里鈴子初世祖征雲南假道吐蕃嫌其回曲

至元十三年思播二州平改道從蜀入命愛魯開兩

道陸出烏蒙水由馬湖江烏蒙合都掌圈豕鵝夷諸

種拒命累戰始服自是水陸驛傳皆達叙州又開兩

江道達於邕州平溪洞蠻僚五十餘州新元史愛魯傳

案愛魯開烏蒙道距今興仁甚遠其開邕州之兩

江道應亦不及興仁惟開道為此間大事錄備參

興仁縣補志

卷三

考

元改于矢萬戶府為普安路總管府隸雲南元史地理志

至元間改置普安路領和龍八納習舊普定四部隸

雲南嘉靖貴州通志興義府志云府治仍在八部山總管仍以于矢酋為之

元

世祖至元十四年立普安路招討司元史地理志

至元間改普山府置普安路尋改為普安安撫司後

復為普安路嘉靖貴州通志

案經世大典康熙貴州通志大定府志及新元史

蠻夷傳均載至元十五年羅甸國主羅柯察一作阿榨

興仁縣補志

卷三

十六

納土安撫使據元史本紀及通鑑阿察為羅氏鬼

國主已非唐宋之羅殿又十六年三月諸夷降附

置八番羅甸等處軍民宣慰使及都元帥府於貴

州見嘉靖貴州通志及圖書集成而地理志於十

六年亦有招降西南諸番以羅阿資為羅甸遏蠻

軍安撫使龍文求為卧龍番南寧州安撫使等文

其地均在定番所領甚小已非前此之羅殿南寧

可比於興仁已無關均不錄

十六年三月原文為十三年諸夷降附置八番羅甸等

處軍民宣慰使司及都元帥府於貴州弘治貴州圖經新志

十六年荆湖行省右丞阿里海牙遣劉繼昌徇下八番羅甸蠻以其總管龍文兒入見置宣慰司八番羅甸卧龍羅番大龍過蠻盧番小龍石番方番洪番程番並置安撫以鎮之元史海牙本傳明年置行中書省以李德輝為安西行省左丞西南夷羅施鬼國既降復叛詔雲南湖廣四川合兵三萬人討之改鬼國為順元路以其酋為宣撫使嘉靖貴州通志作十六年以李德輝奏更羅甸為順元軍民安撫司元史隸八番等處軍民宣慰司都元帥府嘉靖通志

案此時所置之八番羅甸宣慰初重黔南之八番

興仁縣補志

卷三

十七

而似兼有西北部之羅氏鬼國殆國既降復叛改設順元宣撫而八番始不若順元之重惟史志多以鬼國與羅甸混稱為李德輝傳明言羅施鬼國既降復叛討降後改鬼國為順元路而嘉靖貴州通志乃稱更羅甸為順元軍民安撫司新元史八番傳亦有羅氏又名羅殿之說皆不知鬼國之別在西北也每易令人眩瞖至興仁此時所隸之普安善定領於曲靖宣慰不受領於順元及八番羅甸以順元職崇而關係多並錄備考

改普安招討使司為宣撫使司興義府志

普安路總管府十六年改宣撫司方輿紀要普安路領鎮

寧永寧習安三州普定永山石梁羅山四縣隸曲靖

宣慰司嘉靖貴州通志

十九年置順元路軍民宣慰司經理諸蠻

亦奚不薛即水西之譯音叛置順元等路軍民宣慰司以速

哥舊元史作蘇克為宣慰使經理諸蠻元史速哥傳云此後順元亦

奚不薛皆置宣慰司而八番羅甸宣慰司廢矣

二十二年罷普安宣撫司為路元史地理志

二十九年春正月丙申制仍以普定路隸雲南省元史本紀

三月己酉罷八番羅甸宣慰司改順元等處宣慰司

為八番順元等處宣慰司兼都元帥府新元史本紀

二十六年春二月乙卯復八番羅甸宣慰司置八番

興仁縣補志 卷三

羅甸元帥府以幹羅思舊史作烏魯斯為宣慰使藥刺海劉

德祿並為都元帥貴陽志秋八月癸酉以八番羅甸宣

慰司隸四川十月乙卯改隸湖廣省元史本紀二十七年

幹羅思等奏言招到羅甸國扎哇希古并龍家宋家

犵狓苗人諸種蠻夷四萬六千六百戶阿卜阿芽者

來朝為曲靖宣慰司同知脫因及普安路官所阻會

雲南行省言羅甸即普里也歸附後改善定府印信

俱存隸雲南行省三十餘年賦役如期今創羅甸宣

慰安撫司隸湖南行省幹羅思擅以兵脅降普定土

官矣資男扎哇希古等勒令同其入覲邀功希賞乞

罷之仍以其地隸雲南從之元史地理志地二十九年三月

乙酉中書省臣言亦奚不薛及八番羅甸既各設宣

慰又復立都元帥地甚狹而官多宜合二司帥府為

一詔從之且命亦奚不薛與思播同隸湖廣省羅甸

還隸雲南以八番羅甸宣慰使烏魯斯等並為八番

順元等處宣慰使都元帥佩虎符元史本紀

三十一年冬十二月庚子普安夷酋入貢

十二月庚子曲靖徵江普安等路夷官各以方物來

貢元史本紀

成宗大德六年普安諸蠻攻掠州縣也速解兒討平之

興仁縣補志

卷三

大德元年八百媳婦叛寇徹里遣野先不花討之不

克四年用雲南右丞按元史本紀深前為雲南行省左丞五年二月始以中書右丞

出征此云劉深計發兵二萬立征八百媳婦萬戶府

二出四川雲南囚徒從軍人給貳一作子六十索深

等將兵取道順元路督雲南調民供給土官宋隆濟

給其衆曰官軍徵發汝等將盡翦髮黥面為兵身死

行陣妻子為掠勢所必至衆惑其言遂叛新元史八百媳婦傳

五年八月水西土官妻蛇節叛應宋隆濟本紀六年二

月罷劉深等官時烏撒烏蒙東川芒部及武定威楚

普安諸蠻因蛇節之亂皆以供輸煩勞為辭乘釁起

兵攻掠州縣焚燒堡砦也速解兒等將兵會國傑討之時國傑方討順元蠻不及來會也速解兒等率師分道並進次第平之

元史紀事本末

十年夏四月壬戌雲南行省平章政事也速帶兒討羅

雄州普定路叛蠻獲其酋阿邦龍

應遺斬之新元史本紀

壬戌雲南羅雄州軍火主阿邦龍少結豆温匡虐普

定路諸蠻為寇右丞汪惟能進討賊退據越州諭之

不服遣平章伊蘇岱爾率兵萬人往捕之兵至曲靖

與惟能合從諸王實保齊伊勒吉帶等進壓賊境獲

阿邦龍少斬之餘衆皆潰命伊蘇岱爾留軍二千戍

興仁縣補志

卷三

之元史本紀大德九年孟古岱討普安羅雄州叛賊阿填

晝衣不解甲一日之間合戰者九禽阿填殺之元史本傳

案茲事史紀及通鑑作普定路而孟古岱傳及雲

南溪洞傳作普安以昆接羅雄論應以普安路為

是又史紀於七年十月庚子有改善定府為路隸

曲靖宣慰司以故知府容苴妻適姑適恭為總管

一條普定距今興仁地已遠不錄惟興仁此時實

介普安普定二路間附識備考

仁宗延祐四年以普安路總管益智為懷遠大將軍襲

普安路總管

益智普山夷長有謀畧善安輯官至懷遠大將軍曲

靖宣慰使掌普安路總管府諸蠻服其威信樹德政

碑頌之乾隆貴州通志後智卒孫那邦襲以功升雲南行省

參知政事仍領普安路事元末寇盜充斥那邦保境

自宣民胥賴之那邦老妻適恭攝職興義府志國貴州通志民

案此又一適恭與大德七年襲普定土府之容苴妻

各別蓋此適恭為那邦妻又其襲職考紀要在洪武

時其所襲為普安軍民一紀要普安明洪武十六年

置軍民府註云初置軍民府授土酋那邦妻適恭適

恭卒子普旦襲云云一又容苴妻之適恭二史紀作

適姑或姑訛為恭適當為十鄉曲行次通稱譯傳同

恭為適恭耳

趙將任為普定路軍民總管府判官

趙將任延祐四年為普定路軍民總管府判官立學

校明禮義通商賈芟惡植善政蹟大著陰陽學正羅

進為撰德政碑記

案興仁此時與普定應少關係惟將任興學通商

政蹟既著或仍不無影響此時益智為普安總管

又善安輯足徵一時之環境甚佳不能以蒙古治

化之差而少此一方也又史紀載延祐七年七月

壬午立普定府屯田分烏撒烏蒙路屯田軍赴之

亦足以見此時此方建設之大要附識於此

六年定雲南等處邊遠子弟廢叙法

延祐六年部議福建兩廣海北海南左右兩江雲南
四川甘肅等處廢叙之人如父祖始仕本處止以本
地官叙用據腹裏江南歷仕升等遷往者其子孫弟
始承廢又註遠方誠可憐憫今將承廢人等量擬叙
用福建兩廣八番官員擬江南廢叙減資升等新元
史百
官志